



www.BibleForChildren.org



Yowan 14



Pulaga Yisugu pelik yeiya, Wilek kang inuguyeng
kuneng mizi wak. Ini Anotoyegi ngizi kumuli legi ini
neyegirau ngizi kumulagirikki kai. Keya i yemane
negi Mangobekkimakkarik yombanuwiligu yolugiyeng
kolokngagono. Tamizeige pilik ono kesak nogo iniyegi
i yombanuwiligu
yolugiyeng
kolokngagono
yei kak
ono.




Ne weik kang logo pakalege ini piyengki yoluweki nogo kangkere miziweki. Logo pilik miza logo purik ini ne kiling yoluweki ne ini iza wari yogine. Logo kazing pilikmekke nogo yolu pulogo inirau yolugi.



Ne Yowan ini kiling Yisuyegi ngizi kumulibek keya
Yisu kiling sawela purikka tonuwa kemenak ngai
puguragi kulengke koyimowei teni Yisugu

yeik yelakkelek yoluweki yani pura wara
logo tonuwa ngangang




wageli kele kapura
tonuwago piyegi
ngizi kumuli puragi
tonuwa yeik kozang
panu kebangkelara yolu.



Ne nawiliyegi Anotogi ngagoragi langai kozak
yei keya nogo Yisu Kilisiyegi langai iwaka
puragi langai puwiliyegi kozak yeirikki


wiyeke puwiliyaga
nawiligu ne ilibu




Patomoso meileige
puwiligu wigira
wezabek niza
warara koya.




Nguk namizi ne Kung Walekpokko neyegi kola logo
ne paka ngalege nobiyeng miza. Logo negi wirege
tung ngai nakkarik wizilege logo purikke yombanu
nak mogosa.




Pulaga watabi ngalega ngabelakka keremiza piyeng
mabiyeng keya yenge ngabelakpekke yungke piyeng
keya wizambekke piyeng keya
piyengke yolu piyeng mabiyeng
pelik ingi meirikki ne kerewiya, ...




... Ngai yemanebekki tundikke mogosabok keya liyeng
memeng kongmekyegi ngago wilik kagowing
mabiyeng keya yeik yemanera
keya ngaiwaktik keya
kozandarau wok
mabiyeng koyimagi,
mei.




Keya yereng walek Yirusalem wikta paka ngalege
Anotoyaga punda lewa. Logo yerenda yongokpanu
yombu weiweki yombubek wilek uli kangmologo
watabi wazono wakiya piyeng kelik kangkere
miza wizigeya
lewegera
kelemiya.




Logo kili ngalizi narago paka ngai yemanebekki
tundikka pelik kaiyageyarikki ne kerewiya, Anotogi
yerenda weik yombanuwili kiling. Pi puwili kiling yolugi
keya puwili yongkambu puguwili mizara koyagi. Anoto
ngezebek
puwili kiling
wiziyagi keya
pi puwiligi
Anoto wiziyagi.



Keya angelabokko mabilik kai wik wizagomagibekki
kailing waligeleniya. Logo kailing simbele langiyi
wizigeya Anoto keya liyeng memeng kongmekki tung
ngairikka lewa.



Keya yerendarau yokmek ma ngombekko ngaiwak
wiyiweki mizagi ono purik Anotogi ngaiwaktikku
yerenda mabura ngaiwak wiya keya liyeng memeng
kongmek yerendagi lambek kopong.



Kapura kaile nayeng ma
kaile kaileyeng mizi
puwilirau yerendagi
kiliya kunagi ono.
Yongkambanu yeikyeng
liyeng memeng
kongmekki kapiya wik
wizagomagiwiligirikke
lende miza puwili
keke yerendage
kiliya kunagi.



Pugu wire puwiligiyengke ingkilak
piyeng mabiyeng tumula yowiyagi.
Mawinda nawili ibengki ono ma
yalek nara wiziyagi ono ma ingkeya
ngabik mizagi ono ma ngangang
nararau wiziyagi ono, purik watabi
were wiziya piyeng kakwela,
kaiyageyarikki.




Keya Anotogo keli ono piyendau yerendage wiziyagi
ono. Anoto keya liyeng memeng kongmekki tung
ngaiyau yerendaga wiziyagi logo Anotoyegi yawe mizi
puwili piyegi inge laliyi keya ya kumuli mizagi.


Puwiligu wiregawere
pugura pakelagi
keya yeik pugura
luwagoza
puwiligiyengke
lende mizagi.



Logo yongkambanu ibengwili yeikyeng kilingwili keya
yeikyeng kiling ono kazing puwiligi kumbekki lewengke
Anotoyegi langai ibeng puwili mabuwili yangalek meiya
logo tung purikke wirege luwezarikki nogo keriya.
Logo kapiya puwiligu miza piyengki lende
mizayeng welela. Keya kapiya nariktau
welela logo kapiya purik yongkambanu
puwiligi kazing kumbekki
leweng Anotoyegi
langai wik koya logo
puwiligi yeikyeng
kapiya purikke lende
mizarikki wyeke kapiya
purik Kapiya Wik
Koyimagiwiligririk meirik.



Tamizeige nakki yeikta kapiya wik koyimagiwiligi
yeikyeng lende miza purikke lende miza wizilege
yolok ngela ono purik mabura pok yezi yemane kusagi
ono ngorageya kai luwang wezabek ngorageyazikke
wara wezamelagi.



Keya Anotogi Kung Walekpek keya liyeng memeng
kongmekki yongokpumologo pelik kisi, Koli. Ngago
pera kerewiyi puwili mabuwili koli. Ngabandik
kelakkelakpok wiriyi pani keya kai nagi kelibok kai
wik wizagomagira yeik yanibokka ni pani, kisi.



Purik Anotogo
ngabelakpekki
yongkambanu pewili mabuwiliyegi kela
panurikku pugu pigi Marek wamenakpek
wezamela, logo piyegi pi Kilisibek
miza logo ngizi panu kumuli puwili
mabuwili kemenak ibengki ono,
kapura wik koyimagira
kilingwili
miziweki.



Rom 3:23 Yombanu mamok kaile miza logo Anoto kaile
nayendau onobokyaga kokowa.

Rom 6:23 Purik kaileyengki kangara ibeng koyimagi pura
kapura Anotogo yongkambanu puguwiliyegi wik koyimagi
pura yeik yani, purik teni Yisu Kilisi tenigi Yemizibek
kiling sawelarikku.

Iburu 9:27 Keya Anotogo sawiya mabilik yombanuwili
kang wamenara ibengki keya pulaga ngagozak
yemaneraga pigi wirege ngagozak mizagi.

Epese 2:8 Ei, Anotogo keliragi wiyeke pigi wazono
tonugu weiyagi langai ono pugu yani logo Yisuyegi ngizi
panu kumularikku teni yaliya wazaya. Keya ngizi panu
kumuli pura teni makngezegira ono, a'a',
Anotogo teni yeik yanara.



Epese 2:9 Tonugu wazono mizi piyengko teni makngeze
kemenak ibeng koyimagi puraga paka ngalege kemenak
wik koyimagi puragiweki yaliya wazayagi ono, pilik kesak
teni pelik kisi kak, nogo ne makngeze yaliya
wazaniya, kisi kak.

Rom 10:9,10 Purik tamizeige nazuwagawiligi wirege kili ni
makngezegirago, Yisu Yemizi nogobek, kai keya yenge ya
nuguraga Anotogo pi ibendaga yangalekta wazamiya
purikki ngizi kumuli mabura Anotogo ni yaliya wazaniyagi.
Purik ya nugurago ngizi kumulirikku Anotogo ni ngezebek
kiling pangka mizi, keya nazuwagawiligi wirege kili ni
makngezegirago, Yisu Yemizi nogobek, kai puwekke
Anotogo ni yaliya wazaniyagi.



Yowan 3:16,17 Purik Anotogo ngabelakpekki yongkambanu
pewili mabuwiliyegi kela panurikku pugu pigi Marek
wamenakpek wezamela, logo piyegi pi Kilisibek miza logo
ngizi panu kumuli puwili mabuwili kemenak ibengki ono,
kapura wik koyimagira kilingwili miziweki.

Kapura Anoto pigi Marekpek ngabelakka pelege
yongkambanuwiligi kaileyengki wiyeke ngangang yaniweki
wezamela ono, a'a'. Pugu pi wezamela purik yongkambanu
mamok kaileyengki ngangang puraga yaliya wazayiweki.

1 Yowan 5:11-13 Peragi Anotogo pelik kaiya, Pugu teni wik
koyimagira yana logo wik koyimagi puragi solorik pigi
Marekpek. Tegi yombanu Anotogi Marekpek pigi yungke
yolubok piyegi wik wizagomagirarau wizinda keya yombanu
Anotogi Marekpek piyegi onobok wik wizagomagi purarau
piyegi ono. Ini Anotogi Marekpekyegi ngizi kumuli puwili
weik teni wik koyimagira kiling mamiziweki ne
iniyegi perik lende mizi.



Yowan 14; 2 Korinti 5;
Ngago Kawela Wiyara 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Biangai Bible (big) © 1985, Wycliffe Bible Translators,
Inc. All rights reserved.

<https://live.bible.is/bible/BIGWBT/MAT/1>

©2026 Bible for Children, Inc.

www.M1914.org

www.bibleforchildren.org

